

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA**

**Odbor za ekonomsku i razvojnu politiku,  
finansije i budžet**

Broj: 02/11-02-9- 1790 /15  
Sarajevo, 16.12.2015. godine

**DOMU NARODA  
PARLAMENTA FEDERACIJE BIH**

Na 5. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 16.12.2015. godine razmatrane su sljedeće tačke dnevnog reda:

- 1. Prijedlog Budžeta Federacije Bosne i Hercegovine za 2016. godinu,**
- 2. Prijedlog Zakona o izvršavanju Budžeta Federacije Bosne i Hercegovine za 2016. godinu,**
- 3. Dokument okvirnog budžeta Federacije Bosne i Hercegovine za period 2016. - 2018. godina,**
- 4. Prijedlog zakona o izmjenama Zakona o budžetima u Federaciji Bosne i Hercegovine – (predlagači: klubovi poslanika SDA, SBB, HDZ BiH u Predstavničkom domu) - hitni postupak,**
- 5. Prijedlog zakona o faktoringu,**
- 6. Prijedlog odluke o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu i na Odluku o izvršavanju Finansijskog plana Federalnog zavoda za zapošljavanje za 2016. Godinu,**
- 7. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidovani), Finansijski plan Fonda solidarnosti Federacije Bosne i Hercegovine za 2016. godinu (Anex I), Finansijski plan Stručne Službe Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II),**
- 8. Prijedlog odluke o davanju saglasnosti na Finansijski plan Federalnog Zavoda za penzijsko i invalidsko osiguranje za 2016. godinu.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za ekonomsku i razvojnu politiku, finansije i budžet podnosi Domu naroda sljedeći:

# IZVJEŠTAJ

## **1. Prijedlog Budžeta Federacije Bosne i Hercegovine za 2016. godinu**

Predstavnik predlagača upoznao je članove Odbora sa najznačajnijim izmjenama u Prijedlogu Budžeta Federacije BiH za 2016. godinu u odnosu na razmatrani Nacrt Budžeta Federacije BiH. Istaknuto je povećanje prihodovne strane u iznosu od 65.000.000,00 KM koja pretpostavlja planirane prihode od prodaje privrednih društava u kojima Federacija BiH ima manjinski udio u strukturi vlasništva tih društava. Također su prezentirane i izmjene u strukturi planiranih rashoda u istom iznosu. Članovi Odbora, u raspravi najveći broj primjedaba i kometara su iznijeli na trenutne prioritete u smislu korištenja navedenih dodatnih sredstava ističući prevashodno potrebu ulaganja u pravcu razvoja i unapređenja u preduzeća koja bi stvarala pozitivne efekte i nove vrijednosti, umjesto na primjer trajnog rješavanja smještajnih kapaciteta Vlade Federacije BiH u ovom momentu. Također, članovi Odbora su konstatovali, da Vlada Federacije BiH nije imala u vidu predložene zaključke klubova Doma naroda vezano za Nacrt Budžeta Federacije BiH za 2016. godinu kojim se Vlada Federacije BiH obavezuje povećati iznose sredstava za transfere kantonima. Posebno je istaknuta činjenica da su budžeti mnogih kantona u deficitu, između ostalog i zbog konstantnog problema dvostrukog vraćanja duga kantona, odnosno vraćanja duga za sredstva koja je koristila Vlada Federacije BiH a ne kantoni, te je iz tog razloga posebno trebalo voditi računa o povećanju iznosa pomenutih transfera.

Imajući u vidu navedene primjedbe i sugestije članova Odbora, iznijetih u smislu doprinosa dugoročnim povoljnijim i boljim rješenjima u Federaciji BiH, članovi Odbora većinom glasova su usvojili predloženi Budžet Federacije BiH za 2016. godinu i predlažu Domu naroda da usvoji slijedeći:

## **ZAKLJUČAK**

**Odbor za ekonomsku i razvojnu politiku, finansije i budžet predlaže Domu naroda Parlamenta Federacije Bosne i Hercegovine da razmotri i usvoji Prijedlog Budžeta Federacije Bosne i Hercegovine za 2016. godinu, imajući u vidu sve amandmane dostavljene u predviđenom roku.**

## **2. Prijedlog Zakona o izvršavanju Budžeta Federacije Bosne i Hercegovine za 2016. godinu**

Predstavnik predlagača upoznao je članove Odbora sa predloženim tekstom zakona. Članovi Odbora nisu imali primjedaba, većinom glasova su usvojili predloženi tekst zakona te predlažu Domu naroda da razmotri i usvoji Prijedlog Zakona o izvršavanju Budžeta Federacije Bosne i Hercegovine za 2016. godinu.

## **3. Dokument okvirnog budžeta Federacije Bosne i Hercegovine za period 2016. - 2018. godina**

Predstavnik predlagača je istakao da navedeni dokument predstavlja prateći dokument Prijedloga Budžeta Federacije Bosne i Hercegovine za 2016. godinu.

Članovi odbora nisu imali konkretnih primjedaba i sugestija te predlažu Domu naroda slijedeći:

## **ZAKLJUČAK**

Odbor za ekonomsku i razvojnu politiku, finansije i budžet predlaže Domu naroda Parlamenta Federacije BiH da se Dokument okvirnog Budžeta Federacije Bosne i Hercegovine za period 2016. - 2018. godina razmatra zajedno sa Prijedlogom Budžeta Federacije BiH za 2016. godinu kao njegov prateći, sastavni dio, te kao takav informativni dodatak, primi k znanju.

### **4. Prijedlog zakona o izmjenama Zakona o budžetima u Federaciji Bosne i Hercegovine – (predlagači: klubovi poslanika SDA, SBB, HDZ BiH u Predstavničkom domu) - hitni postupak**

Članovi Odbora, imajući u vidu specifičnu situaciju i potrebu usvajanja navedenog zakonskog rješenja nisu doveli u pitanje usvajanje istog, te predlažu Domu naroda da razmotri i usvoji Prijedlog zakona o izmjenama Zakona o budžetima u Federaciji Bosne i Hercegovine po hitnom postupku.

### **5. Prijedlog zakona o faktoringu**

Predstavnica predlagača detaljno je obrazložila predloženi tekst zakona i upoznala članove Odbora sa ciljevima i pozitivnim efektima ponuđenog novog zakonskog rješenja. Članovi Odbora pohvalili su činjenicu jačanja finansijske discipline i u ovom području i jednoglasno usvojili predloženi tekst zakona te predlažu i Domu naroda da Prijedlog zakona o faktoringu razmotri i usvoji.

### **6. Prijedlog odluke o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu i na Odluku o izvršavanju Finansijskog plana Federalnog zavoda za zapošljavanje za 2016. godinu**

Članovi Odbora, uz prisustvo predstavnika predlagača obavili su raspravu o navedenoj tački dnevnog reda postavljajući pitanja informativnog karaktera i razmjenjujući prijedloge i mišljenja, ali, imajući u vidu karakter dokumenta, bez konkretnih primjedaba članova Odbora. Odbor predlaže Domu naroda da razmotri i da saglasnost na Prijedlog odluke o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu i na Odluku o izvršavanju Finansijskog plana Federalnog zavoda za zapošljavanje za 2016. godinu.

### **7. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidovani), Finansijski plan Fonda solidarnosti Federacije Bosne i Hercegovine za 2016. godinu (Anex I), Finansijski plan Stručne Službe**

**Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II)**

Članovi Odbora obavili su raspravu o navedenoj tački dnevnog reda. Imajući u vidu svrhu razmatranja navedenog dokumenta, članovi Odbora nisu imali konkretnih primjedaba te su većinom glasova predložili Domu naroda da razmotri i da saglasnost na Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidovani), Finansijski plan Fonda solidarnosti Federacije Bosne i Hercegovine za 2016. godinu (Anex I), Finansijski plan Stručne Službe Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II).

**8. Prijedlog odluke o davanju saglasnosti na Finansijski plan Federalnog Zavoda za penzijsko i invalidsko osiguranje za 2016. godinu.**

Članovi Odbora su obavili raspravu o navedenoj tački i većinom glasova su predložili Domu naroda da razmotri i da saglasnost na Prijedlog odluke o davanju saglasnosti na Finansijski plan Federalnog Zavoda za penzijsko i invalidsko osiguranje za 2016. godinu.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora Muhamed Kozadra.

**PREDSJEDNIK**  
Odbora za ekonomsku i razvojnu  
politiku, finansije i budžet

**Muhamed Kozadra, s.r.**